

康對山先生集

康對山先生集卷之六

五言古詩

與仲木夜坐二首

我前抵華原訪子雲槐舍偶值何仲默清談忘晨夜
冲懷世寡知繁文俗方化芳臭不同科辨別每未暇
群口雖見珍私心竊常訝後會王敬夫飄然契茲話
潯西春酒熟南山翠欲射明日會同君細看盤谷畫

其二

潯西勝鄮谷山水多佳氣清渭自西來秦雍實經緯
參差太白峯精靈日騰沸以吾鮮儔侶無能悉充尉

西南跨橫渠崎瑰千萬彙碧樹翳丹日流水夾高堦
仙遊說經臺神物所藏懋紆迴若龍蟠彷彿擬虬蟄
名山不避人肯為賢哲諱子猷雪夜歸適意以為貴

世爵堂燕仲木

先人昔匡濟古帝重其勲因心謝茅土遜志遵典墳
懿扁比鍾鼎宸章茂天文輪奐豈無自輝燦聊有云
感君再相過致意甚慇懃坐君此堂上高燕日將曛
彈箏復擊鼓賓主有餘欣所欣道義合不在俎豆芬
日月如逝波聚散等浮雲青春不努力後世何以聞

同仲木園林瞻眺二首

古意世方疾太音人和稀豈不逐群好恐與賢達違
朝遊三時原暮宿唐山磯感此榮悴異已悲馳騫非
所以素心者見之心每希灼灼園中花臚臚南山薇
及茲不努力老大將焉歸

其二

膏雨旣周徹田工粗可期黽勉命童僕籃輿詣東菑
欣此薺麥遂坐令芳意彌樂歲望豐衍行樂值晴熙
况與良士同更愜山水思擊筑發古調倚絃奮新詞
夜以繼白日瀟灑孰可追

湯泉道中二首

客欲趨湯泉東過橫渠里嘉樹蔭碧流山色爵蒼綺
昔賢桑梓區靈異故如此循原陟西南地脉益豐美
瑰岩與天接風庭湔鳴水始誇渡渭懽詎當覽山喜
烟雲迷太白竒奧若天秘行行發浩歌山靈定頃耳

其二

呂君遺我書今日定晨發直趨槐芽渡乃至湯池樾
當行復西望輓輿過倉卒策馬恨不前人影更出沒
尋芳酬素志登山試仙骨相期載酒遊可令後至汨
覽勝襟自開源窮意未歇共君吹鳳笙山頭弄明月
謂橫渠先生祠

春遊及名里齋沐升闕宮辦香拜祠下披塵想儀容
嗟嗟此祠宇赫然在關中滿謂有修飭豈知翳蒿蓬
殿古瓦半落臺圯甃全空迴轉戶牖斷騰沸垂鳥哄
先帝昔在御孳孳欽正蒙手書西銘篇所在各一通
相距五百載此意誰契同康世縉紳重片言摧華嵩
安見體聖意稍稍事尊崇我曹忝末裔脩為寡其工
曲學滿天下無以障頽風明發謝祠去太息傷予衷

雨中懷仲木

盤屋忽言別中道各阻雨我醉野人家思君宛如覩
意君渡黑河波濤涉亦苦茅次苦覆踈處處為漏侮

不知雨中興何以作仰俯黑雲屯不流奄忽勢如噴
比至祖庵宮僕夫等囚虜素愛山水佳翩翩出涇潁
驅車歷武功亦僅至郿塢黃氛翳白日何曾覩青嶂
滿謂抵終南逆將宿玄圃久客供給踈所至數市買
徒有村酒來天道可逆數泥滑水沒膝自諒心已懣
一別倏五日雨勢益熈武跬步未可前况能至古鄠
展轉為子憂道遠那能顧懊此潭泥途幸值笑談伍
但取杯酌歡且勿問譚府

楊子寶穡堂

中丞返田里所寶但稼穡構堂顏令名欲自食其力

此意甚玄遠世人那能識登堂再拜君服爾有孤特
昔宦侍承明累官盡樞闕誠孚神鬼欽語出姦貪慙
今日桑梓間竭力事溝洫甘耦沮溺徒耻並王貢惑
遐見超古今烟節邁典則君子愛初服烈士藐穹職
所以幽風詩務陳周祖德

有懷于鵬

于鵬念吾哀涉遠事臨慰愛子倏大札百情實騰沸
賴爾三日留始能辨酒味境逆心已傷形悴志奚謂
君固江海人樸素昔所貴坐彌見微懷吐吞有奇氣
乍別忽相思迢遞隔清渭

張甥之槩自華西來省予與之開尊夜坐辭以
辟酒數月之槩少年英妙勵志若此誠已罕
矣因賦詩贈焉

勵志古猶鮮嗟爾英妙人超然契神理謝此麴米春
盛時富遊燕昌齡當令辰但恐樂不滿安知中足嗔
所以賢達士寸陰日以珍張甥出名裔磊落吾所親
奮迅冀往哲慷慨懷先民述此止酒事言辭皆絕倫
彭澤雖有作徒以愠同塵豈若慕宏達精詣吾道津
事以久乃定節懼中路屯願言永初服白首以為真

答都人

還車許西曲半山含暝色朔風刺我衣欲止不可得
入城逢都人白馬啣金勒下馬揖車前被服甚奇特
授我一緘書題識頗脩敕展書讀其辭耿耿亂胸臆
一別十三年安知如頃刻勞君遠問訊況此常相憶
習靜厭世喧冠冕志頗息秦馬不嘶越南鳥豈棲北
野人各有懷所務在稼穡慇懃謝都人去去慎登陟

送羅山人

羅浮有仙人觀子無乃是雙瞳炯如電骨相絕凡鄙
坐我茅茨間慇懃話玄理相晤纔幾時策杖還吳峙
遙望白雲邊仙鳬速如駛

詠懷二首

悠悠不能寐惻惻與心違百歲若一瞬然言長分飛
結髮遡伊始舉帷念餘輝紉蘭坐崇阿調絃拂金徽
志願各相許寃窈幸同歸豈期中道別空餘衾與衣
臨風想德音當牕拭殘機往者旣莫諒嗣者安可希

其二

弱冠偶君子垂老被凋喪歲序非不長憂來若傾踢
皎皎燕趙女靡曼色堪尚雜坐發素歌當筵奉清唱
餘音流太虛宛轉復脩亮顧此胡不懽中情彌慘愴
涉舟慕卬友劉輪憶哲匠猗猗同柯鳥誰能免惆悵

同馬公順渡渭

客自許西發下抵終南道崔嵬太白峯依稀挿晴昊
雨過山色佳彌動遊者眇浮渭悞不疾悰歡每忘眊
涼颼拂襟懷輕鷗謝鳴棹翠篠夾岸垂脩篁隔垣掉
昔慕武夷遊今縱普緣造恣性誠所希達素理非奧
清秋灝氣橫節物自相劭幸陪君子驂益想登臨妙
誰賦遠遊篇予當嗣其操

從象峯北崦下望普緣

陟山披叢薄覽景愜幽素降觀萬壑奔平臨千嶂赴
宿愛彌見欣新賞豁相聚未覩赤城遊彷彿興宗賦

許西同明叔小酌二首

君縣若杯水豈能久留君孟軻尚淹魏仲連仍拒秦
黃豎小兒行赤口噴臙葦倚托要美利世異心每勤
往者喬吳徒尊信如典墳白手獲斗粟咋咋夸四隣
值君動相阻狂猷遂如焚曾母信投杼曾參豈殺人
所以丈夫志飄飄凌白雲匪但脫泥滓還欲契前聞
嗟嗟當途子此理遽難分

其二

君從盤屋來會予在鄉縣目斷許西曲阻雨那能見
風烟亂人目歷歷晴如甯同懷三四君契濶歲相荐

或趨金閨役或從野人佃我歌世罕聽况問疵與善
碌碌章句徒遥遥空對面鳳兮咲仲尼齷齪美江掾
薰猶旣莫知理亂故須眩酒酣拔劔舞宛轉疾飛電
今日胡不樂贈子心百鍊

送灤江中丞西勘

秋雨復如注旌旗仍赴西僕馬不能立杯酒那可携
公歸定十月山莊事粗没新釀旣已成嘉穀有薇蕨
卽今構小亭亭成竚公坐雖無絲竹陳可試風雅課
南山秋莫佳氣色清且翠眺覽旣中愜嘯歌或幽邃
此役干國經天下由重輕古哲務成事今人唯釀名

往在十年邇邊陲太乏理輿皂皆所親毀譽出憎喜
雖悉延訪心紛亂若絲枲積今日益滋君子復輕信
自謂根蒂獲豈有纖細近治邊如治鮮要在審其勢
剖斷貴神速宰制厭牽係近聞甘泉城皇皇盡危懼
主者諭不開倉卒何以計遠人遵訛言其情易搖曳
片言崑崙摧轉擬萬夫斃公固豈第人弛張有程具
向旣失緩急今且湏砥礪同事六七公休休皆偉器
常事必安舒臨機戒輕驀嗟嗟千里心顧此豈能白
亦知芻蕘微贈公箕公擇

戲呈明叔

袖手挈巨鍾瞋目視穠色徒爲口舌語終作千古惑
君本霄漢才歛翼向茲域禿鶩常見識鶉鷃復相慝
西山有神鳳聞之心屢惻苦口謂鶉鷃于汝豈相逼

喜姜君錫往過

君家篆江側秀屏當戶開知是神仙人胡爲塵世來
黃氛縑素車皂蓋冒朱埃以茲謝民役返耕白雲隈
少小稽古昔中年得此階亦知慎官服柰與寸心違
欲往昧前筭欲止遞成哀繫予丘壑士諦此良用駭
因陳接浙義頗究蓬矢懷我固互相發君心耿難回
丈夫志四海好念濟川才嗟彼長沮徒泛泛豈根荄

予治生之理遘歲弗調積雨滂溢墻柵畢隕穢
光不臨渟淖如故板枿未謝傾圯應手雖時
澤使然而覽事增情懷抱彌惡間有微吟旨
不稱律當楮長息而已乙夜與兒棗靜居歎
子長之博遊傷仲宣之遐眺復占一章錄付
存壁爰釋我憂匪直省玩

季夏百穀否園芳盡枯歇徒憶片雲生依稀逐風沒
孟秋間復雨鬚凌若毫髮豈意八月內林潦恣長發
漫漫無少衰冥冥動彌月墻宇具傾頽繕治力屢伐
萬室如坦途何嘗羞騫越黽勉峙棚箔隨時亦隨蹶

版鍾徒自勞爾汝分實關撫情良用繁循已亦已竭
重陰旻天閉積晦金氣汨禾稼咸傾擢百口歲焉卒
遭運一何蹇值此大澎湖龍門不可望荆楚更寥泝
杯酌亦久忘盈虧理應咄太息問真宰遥遥使心滑

寶穡堂二首

明農謝昌宦良覲羨予征敦義昔所重况此骨肉情
嗣歲節物改朱陽喜開晴感今歎伊昔發車臨廣庭
所期德音邁永脩三徑盟

平生尚超曠結廬武亭川本非青雲姿竟作金閨愆
托交三十載孤抱亦何淵邈觀古昔事彌想翠甫篇

感此發深省誓以俟餘年

與駱生談玄

陽中蘊陰精其質本柔晚孤脩既可疵兼養義尤遽
我昔讀陰符了焉有深契接歲逢馬君頗能窺涯際
古書世罕知叅同亦玄閬獨羨平叔言真鼓狂瀾柰
汝欲謝塵氛吾當示其例

寬用昭用昭喪內予與同戚賦此寬之

悽悽意何極悠悠心獨傷共坐草堂下哀痛結中腸
昔予罹茲戚困拂實相當命數誠有定遭值果誰殃
歷思古人事足啓昧者行君今復如此我故遠相望

逝者閒莫返存者且相將幽冥一以隔含思徒自戕

同用昭自華州南郭往西谿

愛爾草堂靜驅車同討尋南郊更崎嶇春溪多綠陰
蒲葍漸將徧松竹已成林感慨宿昔意相對靜塵心
悠悠日西邁渚禽揚妙音即此興已極何必東山岑

夜發

首夏即煩熱客心欣夜涼美人隔鄉縣音想常見妨
東發遂西征皓月正流光豈直覽眺適兼滋吟思長
籃輿去如駛川陸鬱相望惠連有佳句往往播清芳
顧此棠棣樂邈矣誰能方

洪川柳浦斜眺

烟堦翼層壑巖陰生暝色柳際斜陽來徘徊望安極
披襟浥清風寒木值嘉息坐久山月升情景具相得
稽康非養生謝安有高識歌嘯振空林歸驂苦催逼
眷言期重來何必雲間翼

將往彭麓德充携酒餞之潯西

初秋駕言邁眺彼終南山忽承草堂宴復作林中間
盧女奏妙曲高人浮雲間尊酒再三舉戢戢已敦顏
敦彼友于志欲發情復慳結廬倘成遂同汝弄潺湲

示王劉二君

我將入南山感君苦留酌對酒念昔人茲已半淪冥
日仄歡乍深道遠身屢作君有林巒情共飲雲中酌
彭麓夜酌

露坐架棚箔鄰翁高興多轉觴話農事絕勝陳綺羅
西村二三子携酒復相過忽忽至更盡悠悠奈樂何
觀禾

我來彭麓下坐愛青山色雨過送新涼蒼巒望無極
秋禾半欲成豈畏驕陽逼壠畝綠如也原隰少頽騰
同欣有年樂詎知伊誰力

中夜二首

中夜不能寐攬衣起徬徨出戶仰庭宇但見玄雲翔
微霧下空闊天道難遽量決旬陞成海百穀良已傷
我滯滂川役念子鬱相望徘徊不能去慘惻述此章

其二

西風堂外來大雨還飄漾旅人憂思長感之亦懷愴
滂水不殺湍積潦清波漲舉室若楚囚展轉意彌快
賓客雖見臨笑語何能暢豈無尊俎陳慨然不成況

悼張之桀三首

粵予遠承訃遂來華山根哀痛徹五內欲哭聲還吞
入門見丹旌慘惻何以言憐尔孝弟人氣結鬱難掀

淚下多如綆聞者咸憂煩中懼自開釋擲哀尋所存
幸覲東與郭勉慰千萬反援理肆微論憂懷亦稍奔
入室視吾女瑩瑩在山軒尚恐極痛斃故淚強為殮
慰以後事遠首呼光孝孫逝者莫旣返存者宜討論
修短各有數陰陽在後昆努力慎食食庶以延德門

其二

吾甥蓋人傑篤孝死不渝結廬迨三載哀毀骨立枯
平生膏粱子藜藿寧所鋪雖有親故語乖戾非我圖
畏客強蔬果獨居終遠酷凌晨詣墓側號泣五內剝
三時謹陳饌每陳輒如若鬼神且為痛況尔妻與孥

炎蒸鑠金石流汗被肌膚塵簋且不御詎肯游舞雩
膚發指欲墮恬然守蔽廬旣以拒薑桂仍復遠洪爐
積思損榮衛六氣遂銷輸沴極神乃去奄忽返虛無

其三

昔愛合歡布上繡雙鴛鴦裁為合歡被拂拭納君床
豈意長別離令我涕以滂憂來神思迷恍惚若徉狂
星言詣君宅胸臆如刺芒逝者去不返生者徒悲傷
生男喜身手生女要柔祥不願千鍾粟願得好夫郎
繫自結縢後聿為門楣光豈意忽丁此百憂結我腸
衰境庶情歇步履多見妨乃復冒風日匍匐赴汝喪

數定物莫改汝志世豈常天荒未為極枚淚述此章

宿渭源里

歲序洎中夏予征當雨餘炎溽旣不騁清風時惠如
葉葉終南山潺潺豐鄠渠雲霞氣綿結佳樹蔭交舒
斜日清翠明百志一何攄方啓泐櫬想忽至田父居
展慰出名酒下榻坐前除徘徊月東出欲罷復趑趄
浩歌遲明發予乃蒞征車

郭廟答錢送諸公

芳春豈不惜駕言趨華山兒女事如此詎許垂老間
感君遠相餞搦杯淚如潛雖有絲竹奏那能開苦顏

握手重猶豫，悵望綠草間。節物不相待，流年逝潺湲。
欲行復中止，臨駕忽心摧。潁西花無數，予歸當漸開。
君若有高興，予亦富新醅。或擢漳川波，或眺汴東臺。
不取竟月醉，昔人安在哉。

靈寶縣北渡解州訓錢送諸君子

春遊過名里，覽眺窮幽暱。將邁苦匆促，振袂惟太息。
執手河梁間，徘徊意安極。衰年多酒癖，綠輿輒強食。
節物乖素心，親故難屢值。因之趣解梁，不謂路只咫。
佳辰遭熙陽，良晤悲古昔。疾舟若轉焱，相望忽相失。
行至曲里見杏花

春中渡河陽倏忽到曲里滿村開杏花參差亦堪喜
關吏自北來云承呂夫子遣之迎野翁謹愿頗謙禮
迭答俱有章稽援或通理感歎君子君端能化凡鄙
隔歲慕良覲不謂適若此芳春解人意夾路疊紅紫
宿醒方苦人畢覽興彌起

登山

悠悠歷山麓獵獵颭回風籃輿上仍却浚壑卑亦重
東矚指王屋西眺揖崆峒伊昔絆王役俯仰愧孤衷
徒抱茂陵渴未愜天姥逢嗣歲念君子駕言辭汴東
龜勉涉清渭從容問高嵩同懷旣終鮮予遊無迭從

凌巔忽三歎佳勝安有窮何當跨鶴去直上崑崙峯
於條山絕頂下瞰解梁

升嶠觀群岫烟雲互明滅直北看解梁但見池水列
憶當弱冠時茲川已三閱其南望中條蒼翠萬重竭
徒動登覽懷未遂討探契緊自轂函來不謂遽超絕
河山傷魏咨欽明想堯烈昌代皇化隆遺風尚昭晰
耕鑿古未渝勤儉今豈輟悠悠興求歎曷茲在時哲

解梁書院四首

層峯拱堂宇蒼翠何嶒嶸盈盈青衿子絃誦夜不輟
斯文今在茲感嘆懷往昔繫予值乖蹇望道日遼絕

衣冠羞壯遊，踈懶愧先烈。結交君子徒，努力崇明德。
變故身屢輕，涵養意恒切。歲序不待人，君子慎其節。

其二

諸君青雲姿，宿志各高尚。奮迅良有期，優游每中諒。
修禮慎逸居，稽古却支宕。得師忻折衷，遵道決趨向。
我來坐茲堂，誦習惟覩創。始信豪傑人，履歷不虛妄。
科條從昔云，謙恭見今讓。文采雖所珍，躬行以為上。

其三

近世尚夸毗，造詣實終鮮。徒以言語微，遂謂道昏顯。
推行跬步艱，況此繼墳典。狂瀾及明興，愈覺伎粗淺。

徒有析理名竟為粉飾免天錫涇野君特被人文選
篤行遵誠明因時表舒卷吾道果不絕覩此脉如綫

其四

猗猗青衿子勵志各有圖逸思凌天雲麗作驚九區
或為廟廊器或為章句徒華要實乃畱枝榮幹還枯
豈若剏雕琢迭作君子儒所需出所養而為世教扶
執穀諦嘉種種木審良株我詩揭堂左百爾慎所趨

贈寒泉中尉

澄瑩絕纖繁一泓瀉千里寒月掣輕波山光微波底
魚鰕不敢遊虬龍得倚柅轉眄清素心浥飲滌凡鄙

平生畏炎蒸見之輒中喜願言保真寂勿以塵氛浼

贈灤江公十首

灤江公巡撫關陝三年矣政通而人和道貞
而履固不隱謗不易行有仲尼在魯子產相
鄭之風焉予自壬午春遇公於長安時予卧
疾敝廬公特枉臨握手論心疊疊不倦雖丁
陶孟韓何以過也後公訪予於潯西山房適
北山楊宗文漢陵王敬夫東谷張用昭有唁
於予於是數人者同會公於武功行臺公咨
詢之餘則齊倡連宵琦瑰之氣爾雅之作揆

之近覩或已鮮矣今年秋公擢南京卿戒行
有日公以書別余昔予與公約公東歸當餞
公華山之陰聞公行止信宿而予有子巢婚
娶之事因成小詩十首先以寄公十三日臬
事當畢即擬來日躍馬循驪山而東然後坐
希夷之洞啜河華之雄酌桑落之酒歌白雲
之章與公傾倒數日則亦人生之至願也夷
嘗讀公之文與詩有風雅之遺思而騷車復
在於冬中於是取少陵北風隨爽氣南斗避
文星為韻苟傳之將來斯亦當時之實錄爾

輜車戒晨發循此東南域握手立斯須徘徊意安極
念子有幽思別言心如織昔為同生蘭今為特飛翼
人生易悲樂良晤昔所恤黃塵暗清渭對殽安可食
嗟嗟君子心還眺在燕北

昔並少陵騎長眺望夷宮故都多景象近蹟迷往雄
感慨發孤詠宛若思悲翁粵惟霸上垓已昧天所窮
自非大雅操詎識卑與崇滄泉漱寒碧酌醴揖群公
志直意不忝巍然君子風

關輔比多事欽公能自綏養冠蓋徃昔弭亂豈今訛
崇貨狎卑吏節貌忘遠規公來屏笑色事至任安危

素稟物莫逸逸駕古所窺雖有麝裘謗倏動亦烏悲
所以丈夫行不與流俗隨

逍遙奮孤邁歲華愜淵想北眺崆峒津南矚孟諸塊
麾塵靖疆場撫劒清岡象黔庶丁溢恩牧宰獲嘉賞
中原久瘡痍西州獨豐穰感歎乖崖心詎俟益州榜
夷誦南山章令人發森爽

道以無垢尊蹟超誠所貴皇皇廊廟姿世運實經緯
翩翩翊鴻業皎皎分萬彙嗟自丁卯來海宇日騰沸
群公徒憫艱虛恢果奚謂薄俗慕騅虞君子念龍賁
巍巍城邊畧足回萬夫氣

被叢巖軒下撫卷輒中慚笑我伎微薄無能續高騷
緬思雄詠侈一發連數函咀嚼味逾雋詠歎誠所耽
贈瑤似劉傳酬德悵虛參清風湔將遠鄙志揆豈堪
那知邂逅際復送旌旆南

公歸止信宿予餞苦淹後耿耿徒憂傷役役定誰咎
憶昔承明直相企亦已厚公念薄綺紈予質等蒲柳
雖能慎初服終恐易衰朽樂遊觀五陵氣候稍非舊
歎息君子陳宵興望南斗

徂歲始炎鬱岩洞與公萃趣若陶公琴興越滁守醉
旁眺牛頭原橫坐竹林邃微風浹煩襟冲抱浥靈秘

偶聞林鳥鳴遽動舞雩喟公度比辛父予志豈荷蕢
嘉章滿筍來欲和復中避

悠悠長安道車騎紛如雲父老泣相謂童稚欲吞
借問道傍士述荅甚慇懃三秦失慈母黔首懷使君
扳留意彌切昊天安肯聞徘徊玩此語感慨異前云
不覩澤門誦焉契章甫文

予懷繫莫即公訓安可聆矢詩雖不多聊以宣德馨
高駕既難挽孤忠益屏營北風嗣玄序節物改仙真
追送理應及鬱陶浩豈平華山有崎嶇髣髴出青冥
煩公待予至同訪少微星

秋夜宴符園十四首

有奉

符上王宅後有園方二三畝中有亭左右設花卉
竹木不可勝紀予獨愛經松數十叢生柏次遠暎
寒菊每欲效太白桃李園之遊不可得也丙辰之
秋予與榆次金可卿携壺訪焉則上玉先已湑我
酒三行河章出而靈籟聞天宇澄而月明上爽思
逼人清興交心因謂可卿曰於戲速去者歲月速
朽者人生佳辰不再美景非常昔人秉燭夜遊良
以此也今日之會時遇景遇趣遇人遇會而不樂
歲月其除於是脫巾放懷投壺賦詩不知桃李園之

樂如是否也可卿曰來子美不云明年此會知誰
健醉把茱萸仔細看明年予當東歸故鄉尚安能
與諸君相從於此此可謂明年此會知誰在也予
曰何不遂以是為韻各賦之二子踴躍拊掌曰遠
哉君之思也操筆點紙一麾而既予先之可卿上
玉繼之相與徧觀則二子皆蒙吟鉅作也說而樂
樂而狂既而又曰若事必令遠傳把筆來可卿記
之予當序始末也各留上玉許他日或有考焉則
予言足以覆瓿而已予固不以嫌也

零露下天宇而無塵垢嬰今夕復何夕列宴會友生

秉情既舒散美酒芳且清相對不相樂應負秋月明
其二

浮海豈誠邁彈冠良有緣猗彼高尚士懷抱若秋淵
澄徹物不挽流行日涓涓所好適如此狂歌慚少年
其三

夸父不知耻謬談自稱是日月不可留况乃追逐死
賓客集庭除無酒還須涕請看來年秋兩地還憶此
其四

南山有長松北山有蒼檜丈夫處人世所貴得其大
今夕胡不樂荏苒歲將艾微吟雖不長聊嗣蘭亭會

其五

流水去不返萬里分千支
蟋蟀在我床感此歲莫悲
明蟾既燦爛秋花復陸離
與子共斟酌此歡誰更知

其六

鷗鷺不舉翮誰能識雄雌
志士伏溝壑反為市井嗤
君子有遊好細人安可知
相聚不相樂日月當私誰

其七

所英饌雕胡馮高望秋塞
澄月照醖盤清風發沆瀣
佳會不可常客心多感慨
明年此夜月爭照阿誰在

其八

桃李耀春輝松柏含晚翠覽物動幽思撫景起長喟
浩歌滌中懷涼風爽清寐慙慙擊玉壺會遣主賓醉

其九

李杜旣云歿何以問大雅我生適其時諸君具瀟灑
遊僊清渭濱棲遲太白下所希思久要豈惜杯重把

其十

逸興久逾劇幽情渙且紓感爾兩君詠遣我雙明珠
交道古所篤別離但斯須珍重戒嗣歲尚宜懷折筯

其十一

叢菊燦疎薄凋梧下輓轡冉冉微烟生霏霏香霧舒

秋園萃賓友盛會藹碩儒霜尊映孤月徘徊弄新萸
其十二

舞雩羨曾皙商於欽綺里真義敦薄俗至情物難徒
嗟彼由與求區區詎知此亮節苟毋懈日月亦堪仔
其十三

同俗滋我憂崇德感君惠徂齡難復來君子慎所詣
高宴良可歎嘉言理應契嗟彼履霜戒豈不在微細
其十四

酒盡月明下袂怯霜露寒朗吟已激岩閒步復踟躕
眷言同懷者倏忽成永嘆後期苟不失勉哉為世看

康對山先生集卷之七

五言古詩

飲酒二首

獨居意靡暢行吟心更傷
晨發望原際佳氣鬱相望
恨無同懷人躍馬陟嶺岡
徘徊日忽暮感嘆琴屢張
山妻出美酒斟酌為君嘗
三觴起孤抱百憂忽若忘
丈夫生世間磊落斯所臧
何須久鬱鬱自如陌上桑
其二

猗猗陌上桑托根在沃野
蕃枝接崇崖布葉陰溽夏
雖無摩雲姿亦可駐車馬
婆娑衢道側凝望頗瀟灑

秋來憔悴顏，疎枝不盈把。自擬經春和，發榮且修雅。
斬伐及根株，萌芽亦已寡。君子慎心意，紛紛為誰者。

東原晚歸

斜陽下平林，予駕及巖嶂。落花夾路飛，蒼流復蕩漾。
孤往多曠情，逖覽起高唱。入城生暝色，登堂尚微亮。
兒童喜我歸，逍遙壽家釀。

疊翠樓聽歌

積翠翼雄堦，微風入小樓。嘉賓具來止，侍兒復能謳。
開窓軋瑤瑟，遶梁遞鶯喉。既愜莫春賞，仍遂梓里求。
調絕聽自異，聲希人詎侔。何必廣陵散，始知盧莫愁。

答德充

吾弟江海士夷居多素心潛形稽往牒操翰播瓊音
結廬武亭北四圍花柳深坐嘯百念寂世慮安可侵
老我日相過細歌梁甫吟

臨潼逢孟舉人

遇客臨潼道云是望之姪文采已驚人談論多古昔
握手不能去斜陽空竚立

長安病瘍答郭侍御

長安苦蒸熱客遊多倦心攝養一違理乖沴隨見侵
雖喜藥物具尚多憂否尋慙慙感君意抱苦徒悲吟

明發定西邁唯君遺德音

白石樓

我聞白石樓乃在太行下丹梯凌紫霄朱苑接巖罅
盤鬱橫汾曲崔巍紫金文斜煙蕩洄涵朝暉耀磨厓
兩溪互縈帶千峯隨晦冥嶂屏萬翠列花柳四時明
平生喜遊眺詎可如孫登春中過函谷遂有渤澥行
徒懷南莊老安能愜初盟人事苦促迫三日滯虞鄉
雖有泛舟趣却無曾點狂回想王官谷新詩滿素牆
不識仲南姓徒懷詩思長便思與握手於時共徜徉
同遊誦其名知是南莊子故家有若人私為李公喜

翔翔翰墨場倏忽逾四紀不謂英俊姿尚在秦晉里
何當登此樓醉汝賢橋梓三嘆發朝邑彌月興猶起
感君寄書至展轉愛君才欲見不可得空望白雲隈
吾有雙黃鶴飛飛自天來因逢王子晉借之遊蓬萊
一去竟千載寥寥猶未迴迴時坐鶴背挈子臨高臺
先過崑崙頂後矚弱水匯徐訪紫翠君持其雙玉龍
吾意竟不歇君心幸勿改寄君白石吟惟君為予待

送呂幼通入京師

幼通終喪北上以乃伯兄九川子之義訪予
濟西別業器重識遠予切愛之方今之士所

貴在識而所難在器識則往無遺獲器則守
不易操此二者雖伊說且爽未可後也予昔
占仕籍嘗以此睹望當世君子矣顧每有遺
恨未嘗不嘆古道之罕臻而士行之不遂也
是日中秋已邁光魄尚圓因與坐遲月升傍
午而罷情極興飛忽漫賦此詞調雖貶感慨
具焉所異幼通益重且遠以為吾關中之光
而已夫識本於學才由諸量又吾幼通之所
宜念也

明月何皎皎團圓照中堂感君遠相過影影共壺觴

斟酌忽亭午此意難遽忘贈君太山什授君雙玉珩
豈但結情好還欲振微行盛年不常駐嘉木不重芳
節物互推易奄忽成老蒼予齒日以邁君途日以長
握手對明月心爽神飛揚願君慎明德慰我以休光
飲酒

枯陽歷春夏萬木具摧折禾稼不成植疑是雷雨竭
黎庶悉奔走忍作故鄉別爺孃鎖空房妻子中道絕
哭聲動九天僵仆滿前轍官吏約束衰處處憂草竊
斗粟多見奪憑陵况閭閻七月待時雨誼和萬口悅
匍匐耘晚田寧知畏炎熱方誇底事佳遽信浚澤輟

迤及八月初天聽忽畢徹霖霖旣雨騰天喬各挺節
乘潤播來牟舉世相据拊生意雖可觀尚恐恒陽譎
九月始滂沛劃與煩憂訣道路問訟聲問閭回氣色
把酒坐華門野叟共行列自謂轉溝壑寧知有鋪餼
大酌脩三斗野歌亦再闕食哉古帝欽稼穡哲后說
保茲螽災沴有位慎貪殄

整藉

三年困人事何曾理書帙烏鼠白晝遊入門忽首疾
架閣具傾覆點檢切中牀凌晨趣灑掃整頓條終日
種類旣品題編簡復齊一不但几案清幸靡萬一失

焚香坐望餘儼然成靜室平生風雅情殊以乖蹇室
追惟感歎生端坐還羞懼何如谿上翁翩翩獨閒逸

正月二日謁唐山榮

述德行千祀恢猷歷無疆世抱既觸絜嗣履益貞昌
歲序脩已改皇運正隆康結茅遠城市眺景陟嗽岡
微吟苟云可博賞寧見妨野鳥赴幽壑歸馬履夷莊
固陋分茲遂離礙愧高翮心靜百物冗事邁一瞬長
冲澹苟成性珉珉隨彼狂兄弟喜歲至祖考儼如望
昭族豈高爵緒業視攸行默虞倘未別亮往安可傷
謁長寧先塋和德充

陟言詣東麓悅首念先流驅車各組麗蒙佑獨光休
本物伏神祖循派緣彼周耀朱有前烈照丹無後侔
春陽何葱鬱同爾為遠雖世情薄敦穆古道獨清修
努力期令德魂迹賴長籌

植樹

此日春氣和萬木具含秀况我山林居園列頗成就
客自盤屋來驅車扣圭竇白楊二百株紛纒載其後
根繁生意多幹潤理宜茂倩人速植之行列未差謬
雖愜靜者心尚祈后土祐澆灌分所勤盤踞晚應覲
結廬謝王役懷愚負時謬糊口聊秉耕舒形得佳岫

即非松菊場已還榆柳舊但資歌嘯心絕勝笙竽奏
望拜掃者效宣城

驅車出南郊極目瑩兆滿楮錢相間飛哭聲天際斷
重淵白日迷笑言難更返生者徒悲心安知亡者怛
同諸公過潞西

春陽婉以和佳遊得名里柳絲嫋嫋柔重山夾明水
嘯歌夜未休况與衆君子芳園百卉熙弟子繁音起
感歎少年場坐令佳興已行年同逝波心事比苦李
徒使觀者憂安知居者喜來目苟不多行樂自今始
九日潞西集

彈駕得茲曲微聲永良宴賞心眺高陸馳情撫吟卷
會以天親集酌以懽悰徧俱希具醉歸不惜明蟾現

澣西贈別明叔三首

三月詣茲曲八月今始復結轡送君歸投壺泛醺醪
風清懷抱優暑退涼氣淑我歌苦不長聊以詠幽獨
荒徑殘草多空堂蛛網覆豈無灑掃資紛糾在塵俗

其二

時日得君來開豁極心目夜坐對明月清談倒筐腹
方儼千日歡詎忍後期促餞子卓午天徘徊日西沒
眷戀勿復言去去保餘馥

其三

詩人古不易流靡及茲俗片言務剽竊侃侃遂驕足
還耕十三載安能愜吾欲覽子中秋篇翩然接華轂
大雅當在茲斯文有歸宿麗藻雖可珍雄渾久未復
願言泝其源開彼漢魏毒

步過潯西與諸弟宴

久客亟歸思還山餘斜陽却訪遲明發徒步過南莊
林木旣葱蒨花卉復芬芳天親具來止高宴列中堂
悠悠動絲竹秩秩捧瑤觴風和萬物暢旨酒如可嘗
東海有仙丘可聞不可望但願及時日骨肉自相將

吟水向清冷弄月下榆桑一醉杳然卧始知行樂長
許西遊覽

堂厦具傾圯我來心惘然園木亂翳翳澗花紛開妍
掃徑坐庭下感昔意彌煎童僕鮮工力修滌竟誰先
把酒獨成醉因之歌此篇

與孟獨承之飲世爵堂

佳氣翊良會秩秩欽禮成絲竹動四座妖豔集重楹
舉觴對明月雙壘為君傾諸君英邁士逸曠負高情
落拓辭世役遠慕壺丘名今日忽相遇誼如瑤與瓊
相遇不相樂年歲汨以征醉者且莫去歌者請重賡

試舉一杯酒詎能陪賀卿

再宴世爵堂

服食鍊金灼效遠難遽成夾輔謚皇運時命或相停
因揖謝人世閑戶理園榮苟遂偃息願詎勝逸豫情
芳春列蕙寶淑陽啓朱明諸君惠然至今予感慨生
雖微蒲城美桑落常滿罍斟酌盡消滴嘯歌西日傾
逝水無返期壯夫慙令名但願樂相樂九鼎咸所輕
對山草堂安張太微胡蒙溪徐洞仙諸君子
好花不重榮嘉節已瀕夏但能恒對花何計冗與暇
美酒鬱金香麗曲杜常娘授汝雙卓鞮飲我三足觥

醉舞臨芳樹白日徘徊莫不珍金谷吟特羨南山步
雲霞映碧池疑是武陵谿掀髯一長嘯花外亂鶯啼

沂東眺望

層崖若長函靈異特中秘迴合上沂岐噴薄下臨渭
泝沃草木榮氣滋苔蘚翠蒼煙紫紫房白鷺眠芳遂
木杪見南山峯嶺若天墜時復生白雲觀之使心悅
山居三十年筋力半銷瘁徒羨古人遊孰契來日事
所以慕良覲冀欲畢微志後會如可諧謂續城南記

登登翠樓眺望川原

我登登翠樓川原鬱迴合方喜風霧開倏見煙雲匝

直東看黃山三秦如堵園興亡理堪惜念之凋朱顏
同把一尊酒勸君為君壽莫負當春遊人生若芻狗
經漆村覽有邵古蹟

我聞昔人言此即漢漆縣其來故有邵草木殊葱蒨
終南當面朝清渭過如練直北倚黃山逶迤控周甸
前望松檜場知是何王殿王蹟日以微氣色或隱見
西南慶善宮鬱當漆村面勝地遷變多往躅審彌眩
繫自虞夏來百祥具茲奠地靈昔所庇諦此竊中羨
渭河泛舟

及渭日將午遙見終南峯挂帆若流電颯颯聞風松

別茲已三載逸思如酒釀倘遇山中人願言襲高蹤
宴彭麓山房

南原雙白楊直上數千尺彷彿齊彭山不為后土楹
山房當其陰瀟灑殊曩昔置酒勸君飲慷慨盡三石
歲月不肯留人生豈常適試問華岡子誰見王維宅

同蒙溪眺仙遊潭

我愛此潭水澄徹涵灝靈往在正德莫始與楊子經
于時雨初霽如列蒼翠屏旣偕隱逸侶復有絲竹聆
或坐潭心石或浥湔上冷白雲半崖出奇觀空八溟
野叟投濁醪何嘗杯少停一聽激湍響身醉意靡醒

至今在心意矢將營小亭今辰同子來芳思浩難肩
共眺發孤詠嗟彼塔陰銘

丁亥春與王孟桑三君子同德克宴集

夜坐秉燭飲逍遙如阮公我本江海客憐子有長風
醉後卧聽曲逸興浩無窮明發我西邁何時還見同

贈唐明府二首

悠悠子行邁惻惻勞我思敦義稽古昔從容辱微辭
四境已絃誦庶彙何歲幾非君揭高義顧予豈鍾期
咲言忽五禩暌別長此基握手暫言駐君子慎其儀

其二

客行謹程限握手滋繁憂相對不覺午語盡意難周
徒勤方寸懷安能久遲留君才過諸謝巖廊須見收
良驥不留景至珍當別酬好為報明主令世識大猷
雷雨

雷雨一何厲達旦響未息屋漏注如淙階除忽淪匿
三伏膏澤稀赤日苦我穉方抱丘壑憂遽辱天地力
大田具沾足枝葉咸挺直喜極登高望畎畝相匝逼
既覩大勢成且無蝗蝻蝨歸來酌酒歌遠近動喜色
却憶去年事悠悠感胸臆

十月十日

此日是兒生今年兒已死往時具酒筵歡慶美閨里
素帷當中庭淒風蕩旌軹我淚倏若推兒音恍在耳
彷彿六旬人何意復丁此莊生逍遙篇亦具死生理
哀哉橋梓心千古詎能毀含痛卧茅茨不知晝移晷

五月二十二日梟死踰旬僅子以共所為詩三
卷及雜集回文稿呈覽悲悼之餘令之繕寫
成帙用寄漢陂先生為梟較定將圖入梓漫
成二詩以寫予懷

生兒望長成兒長吾已老自謂百事足詎知天橫早
兒童搜故書頗獲見遺稿文思顧歲幾曲折未探討

豈羨長言名仍並酈炎好造物忌瓌奇成性返靈灝
一讀既一悲千讀則千悞倘假十年齡尚齊聖哲造
玄理齊莫測吾欲問穹昊

其二

兒氣甚宏達少有丈夫容博識物豈眩逸思若風從
俯仰鮮中詘奮迅有孤蹤苟能假天命鬱為今詞宗
顧我忝明德神理奪所鍾英物且凋喪況云痴與庸
豈無子夏戚尚虞用昭凶緒餘今似君煩將附秦雍
寄胡承之

我持桑落酒遲君黃山傍黃山有佳氣東逐海雲翔

抱奇不可售不如縱壺觴窮通細夫事安可訾老莊
行年

行年五十五百憂咸見臨堯舜負盛德子孫誰在今
縱酒謝時輩要知君子心人生行樂爾何得使愁侵

寄太微

太微神仙人佳思逐雲上揮酒乾坤珍飄颻出塵鞅
遊宮建章宮才名藉方仰萋菲反南山閉門却交往
我東遊華峯每過時臨訪塵塵話羲皇拂劍悲魍魎
或詰少微原歌嘯歷蒼莽倚坐看雲生策杖聽泉響
遐矚遠不隔幽抱近彌想新霽起微涼何不謝紛攘

示孫逸人

音遇王子喬謂君有仙骨遨遊三島中萬里一超忽
朝餐石門霞莫吸海陵月朱顏浥瑤輝長樂安可歇
天上降玄鶴白日昇玉闕懶荅麻姑書况肯事干謁
我雖不適意逢君欲飛越

再浴郾塘

凌晨復臨泉浹旦滌豈息玄靈理難測爽邃屢堪即
仙源自鷗濠那許后土蝕蕩漾含炎精涵洄印天色
游泳愜性情修飾鮮工力尚計輸夏租稍具十夫食
和六甥石室納涼二首

乘鶴遊弱水，媿予乏仙骨。策杖凌崑崙，却恐中道蹶。
夜夢九華君，邀予至貝闕。子非塵鞅徒，有志胡不竭。
日抱炎蒸憂，歲月去如突。大還可服食，聞子已綜核。
果能愜素心，長往孰能闕。覺來遊西巖，洞室亦清越。
方切悲幽獨，得君玩新月。

其二

老境百慮息，所好在山林。况此洞室闕，塵氛安可侵。
開簾見芳碧，迤邐聞鳴禽。因之感宿好，笑歌梁甫吟。
丈夫志四海，何人識此心。所以夷與惠，曠世懷高襟。
日夕涼風發，逸興拂西岑。沽酒共斟酌，慚無絲竹音。

掃石卧煙霧聽子廣陵琴

石室漫興示六甥

鍊藥坐巖下蟬鳴已驚秋鄭公倡神洵後世焉能儔
我昔逢方平授訣至三洲始笑鄙俗事期君恣冥搜
長嘯還五嶽落落那可求

巖坂小酌

宿志愛山水竭來尋澗源旭日照蒼翠恍惚遊石門
激濤齧怒石終日聞雷誼策杖坐巖坂芳草鬱且蕃
長嘯震天宇小酌興彌煩醉酣聽樵唱悠悠不可言

贈羅員外

子從京國來坐我白雲舍手出華嶽篇而殊有蘊藉
展讀三四過清新如鮑謝磊落數語間知君胸次大
呼僮僕雕胡桑落蒲庖馭握手笑謂君我非武陵人
但許樂相樂富貴如浮雲今日醉我酒明日送君去
後會若可期但覓白榆樹

贈任主事少海

山居二十年未嘗見賓客秋莫邂逅君文彩甚彪赫
因讀治安書頗有古人畫西遊遇中道探囊出素冊
瓊瑰射人目殊會杳今昔再拜覩瑤章炳燦照光宅
歎君英妙時沐此滂沛澤宛如聞都俞依稀見金石

握手私謂君丈夫志已獲尚宜踐所陳與世為表格
尹之先畫竹

虛堂挂翠筠玉濤滿壁起知君徹骨清志意特欣此
興劇湏我題予好亦若爾回視桃李姿穠芳胡足齒
長安別熊侍御子脩

我東遊華山逢子長安陌喜見楊柳青共坐寒芳碧
翠落出名家斟酌杳今昔道合幾二難情親欲千石
夕煙生遠林前桂指豐壁握手難久留知君有佳適
明年報

天子再赴仙掌席

送尹貞外之先

昔逢華陽君云為五帝使檢籙下九州為予泄玄秘
指點峨嵋傍謂有仙人氣仙人尹之先卓犖萬夫賢
吐氣成五色為世鼓朱絃絕調人莫知徒見春江篇
予亦遁世者聞之心灑然恨不遂一見相與定艸玄
天風自楚下吹落岐周前相見即相信今昔誠罕焉
歎洽苦不久俄赴

天子宣錢酒華門下逸興浩難傳

夢中麓子

積雨晦卑陸我車不可前徘徊望北墅迤邐橫雲煙

退坐草堂下籬菊燦且妍節物忽將改引杯吟太玄
微醉體亦倦夢謁九華天仙人中楚子揖予出素編
云是廣成撰孰能叩直筌憶昔魏伯陽謂我骨當仙
苦逐世人好落魄武亭川緣業殆將滿數命或有然
始思飲刀圭却老覓長年語旣執我手歡笑極周旋
振袖出兩藥光如朝日鮮浥彼松下露同吞各一圓
五內倏清爽神采非昔焉我居太白下君廬太山巔
參芝拾瑤草食玉茹并蓮欲會但瞬息跨鶴何翩翩
赤松作參伍玉女侍几筵翛然萬物表世網安可牽

聞涇野先生轉祭酒

皇明第八葉篤生堯舜君恭默啓元化臣鄰若龍雲
辟雍末季後寥寥無所聞帝監獨旁徹乃及涇野濱
彝倫煥朝日奎壁懸至文作人貴身率舉世徒紛紜
蘇湖悉口耳安得望高芬得報喜如躍此官惟爾真
遙遙千載後重聞歌放勲

對山集卷之七